

# Powšitkowne WOZJEWJENJA

njedźelu, 15. junija 2014

## Poswjećenje skulptury putnika a hudźbny nyšpor

Nowa postawa putnika budže tutu njedźelu, 15. junija, w 15 hodź. w Chrósćicach před Gerdesec putniskej hospodu poswjećena. Po tym su hosćo na zahrodu putniskeje hospody k swačini a towaršliwej bjesadze přeprošeni. We 18 hodź. scěhuje hudźbny nyšpor w Chrósćanskej cyrkwi ze spěwotwórču Stefanie Schwab z Würzburga. Wšitcy su přeprošeni. Pjenjezy ze zběrki wužija so za zdźerženje a dalše wutworjenje Ekumeniskeho putniskeho puća.

## Wječorna Boža mša na Bože čěło w Róžeńće

Na swjedženju Božeho čěła, štwórtk, 19. junija, budže w Róžeńčanskej swjatnicy w 19 hodź. serbska Boža mša. Na nju su wšitcy či přeprošeni, kotřiž so dopołdnja na kemšach wobdźělic njemóža.

## Koparski turněr serbskich młodostnych

Koparski turněr dekanatneje młodžiny budže sobotu, 21. junija, w Pěskecach. Zakop je w 10.00 hodź. Přizjewjenja přijimuju so po mustwach hač do pónđzele, 16. junija, we Worklecach, telefonowe čisło (03 57 96) 9 55 95.

## Lětni koncert w Radworju

Chór Meja přeprošuje wšitkich zajimcow na swój lětni koncert njedźelu, 29. junija, na zahrodu před Starej cyrkwičku w Radworju. Wot 15 hodź. poskići so swačina. Koncert zahaji so w 16 hodź. Program wuhotuja nimo Mejanow skupina Přezpólni a mali mejscy pjerachoj. Wšitcy su wutrobnje přeprošeni.

## „Tour de Satkula“ wo pokal zbóžneho Alojsa

„Tour de Satkula“ přewjedže Towarstwo Cyrila a Metoda z.t. (TCM) pónđzele, 30. junija, wot 18.30 hodź. we Worklecach jako kolesowarske wubědźowanje. Po přihotach startuja teamy potom w 20 hodź. Ale přeni džěl maja wokoło wjesneho hata běžeć a smědža so hakle potom na kolesa šwiknyć. Dobyćerskemu mustwu kiwa pokal zbóžneho Alojsa Andrickeho, kotryž spožči TCM. Wo njón wojować móža teamy, kotrež wobsteja z třoch wobdźělnikow. Kolesowarjo maja znajmjeńša 15 lět być. Hornja starobna hranica njeje postajena. Mustwa móža tež po splahu měšane być. Wosadna abo wjesna młodžina, sportowe a druhe towarstwa, swójby a štóžkuli hewak chce, móže team wutworić. Jeničke wuměnjenje je, zo njesmě so wubědźowanske koleso (Rennrad) wužiwać. Start je we Worklecach wosředź wsy pola busoweho zastanišća. Wottam pojedu wobdźělnicy nimo šule k Handriec hatej, dale do Noweje Wjeski a tam po kolesowarskej šćežce zaso do Worklec – dohromady tři koła, štož wučinja cyłkownje něhdže džesać kilometrow. Čas měri pak so jeničce wot poslednjeho z třoch kóždého teama. Přizjewić měli so mustwa hač do pónđzele, 23. junija, pod TCM@Posol.de. MDR – Radio Satkula chce originalnje wo podawku rozprawjeć.

## Zetkanje Częstochofskich putnikow

Tež lětsa pozbudža farar Beno Jakubaš, so w serbskej skupinje na putnikowanje z Waršawy do Częstochowy podać. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so hač do njedźele, 29. junija, pola fararja Bena Jakubaša w Njebjelčicach přizjewja, telefonowe čisło (0 35 78) 30 20 05. Zetkanje wšitkich putnikow budže štwórtk, 3. julija, w 20 hodź. w Njebjelčicach na farje.

## Narodninska party – K stoćinam zbóžneho Alojsa młodžinski festival

Sta młodostnych z Łužicy, wšeho biskopstwa, druhich dželow Němskeje a z Čěskeje kaž tež Pólskeje wočakuja so w Radworju spočatk julija. Z młodžinskim festivalom, kotryž zahaji so pjatk 4. julija, w 17 hodź., wosweća tam 100. narodniny zbóžneho Alojsa Andrickeho. Hłowny organizator je nimo Radworskeje wosady franciskanski pater Paulus Maria Tautz, kotryž je hižo wjackróc we Łužicy pobył. Z poľnej zahoritosću mladym ludžom wěru spřistupnja, wužijo k tomu mjez druhim hudźbu, kotraž młodostnych „ze stólca storhnje“. Tak poskići so na přěnim dnju po wječeri w 20 hodź. koncert z rockowymi skupinami z Jendźelskeje, Irskeje, Awstriskeje a Němskeje. Workshopy a koncert wočakuje młodostnych sobotu, 5. julija. Wječor přidruži so biskop Heiner Koch. Po Božej mši scěhuje „nightfever special“ a w poľnocy so narodninska torta nakraje. Nazajtra podadža so wšitcy do Róžanta na diecezanske putnikowanje. Přizjewić móža so zajimcy pod [www.Alojs100.de](http://www.Alojs100.de).

## Putnikowanje młodžiny do Krupki

Młodostni wot 16 lět su přeprošeni, wot njedźele, 27. julija, hač do pjatka, 1. awgusta, do Krupki putnikować. Přizjewić móža so hač do pjatka, 27. junija, na farje w Chróscicach, telefonowe čisło (03 57 96) 8 04 00. Po tym so hižo žane přizjewjenja njepríwozmu. Putnicy zetkaja so njedźelu, 29. junija, po nyšporje w Chróscicach na farje. Za wšitkich nowačkow je tute zetkanje winowatosć. Nyšpor je w 14 hodź. Putniska Boža mša w Krupce budže srjedu, 30. julija, w 10 hodź.

## Ministrantska kopańca

Tradicionalny koparski turněr serbskich ministrantow budže lětsa sobotu, 5. julija, w Pěskecach. Započatk je w 9.00 hodź. z Božej mšu we wjesnej cyrkwiće.